



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iacobi Bidermani E Societate Iesv Vbaldinus Sive De Vita
& Indole Antonii Mariæ Vbaldini Vrbinatis, Montææ
Comitis, Breviarivm**

Bidermann, Jakob

Fribvrgi Brisgoiae, 1663

Exequiæ. 74

urn:nbn:de:hbz:466:1-44891

rationem venerationemque ad-
duxit.

LXXIV. Exequiæ.

EX anime corpus, veste, quàm
tiro Societatis induerat, te-
ctum, inq; feretro decenter com-
positum, siml aulæ per amplæ
illatum est, subiere adolescen-
tes, nobili genere, amplius cen-
tum; atque officium defuncto
præstandum, priuatis exsequijs
& effusis lacrimis piè soluerunt.
Secutæ mox laudes, quas à se
quisque, iniustas, eoque veriores,
non parcè in Vbaldinum con-
gessere. Has excepit hortatio:
qua Seminarij Rector, dum cõ-
pertas virtutes, apud earum te-
stes oculatos prædicabat, tantos
conciuit animorum motus, vt
ordine deinceps omnes ad ia-
centem, ceu spiraret adhuc sen-

tirétque, accesserint, & ima pedum madentibus osculis contigerint. Qui apud exteros deinde, in sui contubernalis encomia vltro effusi, quid quisque in illo præclari viderint, quid memorabile obseruarint, ita narrarunt; vt cum eo extincta elataque esse multarum virtutum exempla quererentur. Sub eiusdem diei vesperum, curatum legitime funus: publiceque elatum ad S. Andreae, cuius modicum templum in Quirinali Monte visitur: atque ibi tironum Societatis Iesu humeris exceptum, sepulturae mandatur. Parentarunt ritu ibidem publico, immixti nostris tironibus, conuictores; quos nisi vestis discriminasset, dignoscere (eatum erat omnium modestia) non licuisset.